

5. december 2025

Inatsisartut suleriaasianni § 37 imm. 1 naapertorlugu Naalakkersuisunut apeqquteqaat imaattoq matumuuna saqqummiuppara.

Naalakkersuisunut apeqqutit:

1. Innuttaasut meeqqanut akilersuutitut (A-bidrag) kommuuninut akiitsui 2015-ip naanerani aningaasanngorlugit qanoq annertutigippat?
2. Innuttaasut meeqqanut akilersuutitut (A-bidrag) kommuuninut akiitsui 2020-ip naanerani aningaasanngorlugit qanoq annertutigippat?
3. Ukiuni kingullerni tallimani meeqqanut akilersuutitut pisoqalisootarnermi killiliussaq pissutaalluni akilerneqanngitsoortut annaaneqartullu qanoq annertutigippat?
4. Apeqqut 164/2025-mut akissutigisassinni, nunatta karsiata ajornakusoortumik isiginiarneqartariaqarneratuulli, kommuunit ilaasa aningaasatigut ajornartorsiorneri aamma isiginiarneqartariaqarnerannik Naalakkersuisut isumaqanngillat?

(Inatsisartunut ilaasortaq Anders Olsen, Siumut)

Tunngavilersuut:

Apeqqut 164/2025-mut nangillugu ilassutitut apeqquteqaqqillunga paaserusuppara meeqqanut akilersuutit ukiut 5-it aamma 10-it matuma siorna aningaasanngorlugit qanoq annertutigisimanersut. Apeqqummi 164/2025-mi akissutissinni allappusi akisussaaffiup Namminersorlutik Oqartussanut nuunneqassappat nunatta karsiata ajornakusoortumik inissisimanera isiginiarneqartariaqartoq. Kommuunit aningaasaqarnerat aamma taamatulli isiginiarneqartariaqarnerat isumaqarfigaara, kommuunimmi aamma aningaasaqarniarnikkut nukittuumik inissisimasariaqarnerannik siunertaq tassuunakkut taparserneqarsinnaalluartoq isumaqarama.

Apeqqutigineqartut ullut suliffiusut qulit iluanni akeqquneqarput.